

საქართველოს ენერგეტიკისა და წყალმომარაგების მარეგულირებელი

ეროვნული კომისიის

დადგენილება №44
2025 წლის 12 დეკემბერი

ქ. თბილისი

„საქართველოს ენერგოსისტემის ელექტრულ ქსელებში ელექტროენერგიის ნორმატიული დანაკარგების დამტკიცების შესახებ“ საქართველოს ენერგეტიკისა და წყალმომარაგების მარეგულირებელი ეროვნული კომისიის 2017 წლის 12 დეკემბრის № 34 დადგენილებაში ცვლილების შეტანის თაობაზე

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის, აგრეთვე, „ენერგეტიკისა და წყალმომარაგების შესახებ“ საქართველოს კანონის 23-ე, 29-ე და 168-ე მუხლების საფუძველზე, საქართველოს ენერგეტიკისა და წყალმომარაგების მარეგულირებელი ეროვნული კომისია ადგენს:

მუხლი 1

„საქართველოს ენერგოსისტემის ელექტრულ ქსელებში ელექტროენერგიის ნორმატიული დანაკარგების დამტკიცების შესახებ“ საქართველოს ენერგეტიკისა და წყალმომარაგების მარეგულირებელი ეროვნული კომისიის 2017 წლის 12 დეკემბრის №34 დადგენილების (სსმ, ვებგვერდი, 19/12/2017, სარეგისტრაციო კოდი: 300280020.16.009.016235) პირველი მუხლი ჩამოყალიბდეს შემდეგი რედაქციით:

„მუხლი 1. დანაკარგები ელექტროენერგიის გადამცემ ქსელში

სს „საქართველოს სახელმწიფო ელექტროსისტემის“ ელექტროენერგიის გადამცემ ქსელში ელექტროენერგიის ნორმატიული დანაკარგი, ქსელში სრული მიღებიდან, განისაზღვროს – 1.82%.

შენიშვნა: ამ მუხლით განსაზღვრული ელექტროენერგიის ნორმატიული დანაკარგი არ ითვალისწინებს ტრანზიტით გამოწვეულ ელექტროენერგიის დანახარჯს.“.

მუხლი 2

დადგენილება ამოქმედდეს 2026 წლის 1 იანვრიდან.

საქართველოს ენერგეტიკისა და
წყალმომარაგების მარეგულირებელი
ეროვნული კომისიის თავმჯდომარე
კომისიის წევრი
კომისიის წევრი
კომისიის წევრი
კომისიის წევრი

დავით ნარმანია

გიორგი ფანგანი
დავით თვალაბიშვილი
გივი სანიკიძე
გიორგი ფრუიძე

